

取神宮司、常陸國鹿島神宮司、越前國氣比神宮司、並准從八位官。並以封戶能登國氣多神宮司准少初位官給之。

〔延喜式伊勢大神宮〕凡大神宮司二員、大宮司一員、正六位上官、少宮司一員、正七位上官、其季祿以神稅給之。

〔延喜式式十部八〕凡大神宮司及齋宮官人季祿者、便以伊勢國神稅給之。

齋宮寮女孺季祿

〔延喜式中務凡略〕其齋宮寮女孺等季祿者、准時沽價以伊勢國正稅給之。

史生季祿

〔續日本紀元七正〕養老元年三月乙丑、制令外諸司史生等一季賜祿、降當司主典祿一等、是當少初位官祿、自非才伎別勅、一同此例也。

修理職季祿

〔類聚三代格五〕太政官符定修理職官位事

右太政官去延曆十五年七月廿四日下式部省符、備造宮職官位宜准中宮職、但大屬特為七位官、其馬料者少屬已上人別給之、又弘仁九年七月十九日符、備修理職官位馬料季祿等准廢造宮職者、右大臣宣奉勅、件職官位宜仍舊貫。

寬平三年八月三日

內舍人季祿
別勅才伎長上
季祿

〔令義解四〕凡內舍人及以別勅才伎長上諸司者、皆准當司判官以下祿、其位主典以上者、准少判官、以外並准大主典、謂假令中務大錄正七位官、少錄正八位官、若內舍人正八位以下、及無位者、准省大錄之類也。

〔令集解二十三〕釋云、別勅長上倡優之類、才伎長上雜藝之類、古記云、問以才伎長上者、有限以

不答官員、令无文、皆入此限也、或云、別勅才伎二物、在跡記背、釋云、中務少錄正八位官、大錄正七位官也、然則內舍人正八位以上者、准省少丞、從八位以下人、无位者、准省大錄耳、或說與大主典同位、以下、准大主典之祿者、非也、古記云、問注其位主典以上者、准少判官、若為答、依文與少主典同位者、